

Акафист преподобному Варсонофию Оптинскому.

Кондак 1

Избранный воине Христов и чудотворче, преподобне отче наш Варсонофие, иже праведным житием полки бесовския низложил еси и Русь Святую на стезях благочестия утвердил еси, похвальная тебе приносим пения. Ты же, яко имея велие дерзновение ко Господу, от всяких нас бед свободи, любовьию зовущих: Радуйся, Варсонофие, Оптинскаго старчества боголепное украшение.

Икос 1

Лик Небесный воспевает богоугодное твое житие, зане от рождения избран был еси светити миру подвиги благочестия. Еще во отрочестве твоём старец богомудрый прорече о тебе, яко многия души избавиши от огня геенскаго. Темже поминающе душеспасительныя твоя подвиги, с вои небесными похвальная тебе вопием:

Радуйся, чадо, млеком благочестия напоенное;

радуйся, овне, хлебом премудрости упитанный.

Радуйся, молитве церковней от млада материю наученный;

радуйся, утреневавый Богу во умилении сердечнем.

Радуйся, на пажити церковней собравый крины благочестия;

радуйся, ралом любомудрия искоренивый страстей нечестие.

Радуйся, еленю, на горы боговедения востекый;

радуйся, воды смиренномудрия тамо испивый.

Радуйся, Варсонофие, Оптинскаго старчества боголепное украшение.

Кондак 2

Сердце имея любвеобильное, нищим и сирым детям сострадал еси, отче Варсонофие. Памятуя, яко таковых есть Царствие Небесное, угощения им сладкая учреждал еси, пищею земною питая их телеса, в души же их влагая пресладкая Божественная словеса. Темже сирыя дети, зряще о них таковое промышление, Богу, питателю всех, возсылаху хвалу: Аллилуиа.

Икос 2

В чине воинством служа отечеству, образ благочестия русскому воинству был еси, откровением же свыше, яко апостол Павел, к почести вышнего звания призван был еси. Таковому о тебе промышлению Божию чудящися, сиче тебе вопием:

Радуйся, христолюбиваго воинства доблестный поборниче;

ра́дуйся, о́птинскаго ангелоподо́бнаго полка́ му́дрый наста́вниче.
Ра́дуйся, оте́честву благомо́щное заступле́ние яви́вый;
ра́дуйся, мона́шествующих духо́вным бра́нем иску́сно научи́вый.
Ра́дуйся, с небесе́ Божество́нным открове́нием облиста́нный;
ра́дуйся, озаре́нием небесным духо́вно преображе́нный.
Ра́дуйся, мечу́ я́рости Божество́нныя на богопроти́вныя;
ра́дуйся, щите́ духо́вный, о него́же сокруша́ются стрéлы разже́нныя.
Ра́дуйся, Варсоно́фие, О́птинскаго ста́рчества боголе́пное
украше́ние.

Кондак 3

Жити́е мирско́е благоче́стно упра́вив, о́тче Варсоно́фие, волю́
Божество́нную о себé взыска́ти восхоте́л еси́. Те́мже пра́ведным
Иоа́нном, па́стырем Кроншта́дтским, священство́ тебе́ предуказа́ся, и
Гефсима́нским ста́рцем Варна́вою брак духо́вный предрече́ся, в нёмже
ду́шу твою́ Жениху́ Христу́ уневе́стил еси́, поя́ Ему́: Аллилу́иа.

Икос 3

В скит Предте́чев прите́к, я́ко елeнь жа́ждущий, покая́ния воды́ ища́,
то́ю измы́л еси́ ти́ну страсте́й, ра́зум же духо́вный от богоно́сных
ста́рцев О́птинских почерпа́яй, в во́зраст му́жа духо́внаго приспе́л еси́.
Те́мже богоразу́мие твоё похваля́юще, си́це тебе́ зове́м:

Ра́дуйся, от сýет мирски́х, а́ки лань от тенéт, устреми́выйся;
ра́дуйся, я́ко на Иорда́н мы́сленный в скит Предте́чев притеки́й.
Ра́дуйся, богоно́сным ста́рцем, я́ко желе́зо кова́чу, ду́шу свою́
вручи́вый;
ра́дуйся, послуша́нием, а́ки ключéм, дверь страсте́й затвори́вый.
Ра́дуйся, божество́нней во́ли послéдования возжелéвый;
ра́дуйся, на недви́жимем ка́мени смире́ния себé утверди́вый.
Ра́дуйся, постóм и бде́нием главы́ змиéв сокруши́вый;
ра́дуйся, А́нгельския си́лы раче́нием сво́им возвесели́вый.
Ра́дуйся, Варсоно́фие, О́птинскаго ста́рчества боголе́пное
украше́ние.

Кондак 4

В чи́не А́нгельстем водвори́выйся в пу́стыни О́птинстей, я́ко бронёю
обложи́лся еси́ по́стническим жити́ем, и ратобóрством иску́сным
низложи́л еси́ ко́зни диа́вольския, песнь побéдную поя́ Бо́гу: Аллилу́иа.

Икос 4

Силою свѣше препоясався, преподобне, и крест на рамо взем
иноческих скорбей, смиренномудренно попра́л еси́ вся искушения
бесовская и к по́чести вѣшняго званія победоно́сно потѣкл еси́. Тѣмже
венѣц похва́л сплетáюще, сѣце тебѣ вопиѣм:

Рáдуйся, святоотѣческим учѣнием, яко диадѣмою, рáзум увенчáвый;
рáдуйся, ангелоподобными добродѣтелями дúшу украсѣвый.
Рáдуйся, иноческое житиѣ серафѣмски пла́менне возлюбѣвый;
рáдуйся, предáние богоно́сных стáрцев яко мед духо́вный пѣвый.
Рáдуйся, смиренномúдриа кáмень краеуго́лен во глубинѣ души́
утвердѣвый;
рáдуйся, моли́тву, яко меч духо́вный, трезвѣнием изострѣвый.
Рáдуйся, псалмопѣнием непрестáнным дѣмонская вышѣния
смирѣвый;
рáдуйся, трудолюбными пóдвиги хра́мину добродѣтелей
совершѣвый.
Рáдуйся, Варсоно́фие, Óптинскаго стáрчества боголѣпное
украшѣние.

Кондак 5

Богонóсному стáрцу Анатóлию прилепѣвыйся любóвию душе́вною,
и добродѣтельным егó житиѣм дúшу свою́ снабдѣв, яко чáдо
возлю́бленное дáры сыноположѣния прия́л еси́ от негó пребогáтыя,
духовдвѣжною моли́твою благодарно́ Бо́гу вопиá: Аллилу́иа.

Икос 5

Яко мúдрый пáстырь браздѣ правлѣния скѣта Óптинскаго прия́л еси́,
и ста́до мона́шествующих духозлáчным учѣнием окормѣл еси́, тѣмже
брáтия, видяще благодáть стáрчества, на тебѣ почивáющую,
единогласно воззвáша тебѣ таковáя:

Рáдуйся, терпеливодúшно понесѣй гонѣния, яко стáрец Лев;
рáдуйся, украсѣнный смиренномúдрием, яко стáрец Мака́рий.
Рáдуйся, розгó, процвѣтшая благословѣнием стáрца Амвро́сия;
рáдуйся, вѣрный помóщниче и жѣзле стáрости преподобнаго
Иосѣфа.
Рáдуйся, возлю́бленное чáдо стáрца Анатóлия;
рáдуйся, духо́вный дру́же и сота́инниче стáрца Некта́рия.
Рáдуйся, богомúдрый управѣтелю скѣта по заветам стáрца Моисѣя;
рáдуйся, любвеобѣльный áвво, воспитáвый Нѣкона исповѣдника.
Рáдуйся, Варсоно́фие, Óптинскаго стáрчества боголѣпное
украшѣние.

Кондак 6

Сóлнце Пράвды предугото́ви ты, я́ко стрелу́ избра́нну, и к темноне́стовым язы́кам ты устремí. Ты же моли́твами сво́ими хри́столюби́вому во́инству на враги́ спобо́рствовал еси́, ра́нених во́ев Та́йнами церко́вными па́стырски снабдева́я. Те́мже сла́вит ты страна́ Росси́йская и Бо́гу побéдно вопиéт: Аллилу́иа.

Икос 6

От восто́ка со́лнечнаго возвра́ща, добропобéдне Варсоно́фие, ношебде́нныя сво́я возста́вил еси́ по́двиги и я́ко по́лная луна́ добродéтельми сия́я в но́щи, Амалíка мы́сленнаго умертвíл еси́ смире́нными сво́ими к Бо́гу моле́ньми. Те́мже по́двиги тво́я до́блественныя восхваля́юще, велегла́сно тебе́ зове́м:

Ра́дуйся, стрело́ избра́нная, уязвívшая дрéвняго змíя;
ра́дуйся, звездó Правосла́вия, озарívшая наро́ды неvéрныя.

Ра́дуйся, хри́столюби́вому во́инству на враги́ соодолéние;
ра́дуйся, церко́вными Та́йнами тех укрепле́ние.

Ра́дуйся, пока́яния проповéднице радостотво́рный;
ра́дуйся, исцелéний исто́чнице чудодо́йственный.

Ра́дуйся, я́ко моли́твою уврачевáл еси́ стра́ждущих;
ра́дуйся, я́ко псалмопе́нием усмирíл еси́ вражду́ющих.

Ра́дуйся, Варсоно́фие, О́птинскаго ста́рчества боголе́пное украше́ние.

Кондак 7

Я́ко безкро́вное мученичество, жити́е мона́шеское соверши́в, достíгл еси́ пристáнища безстра́стия. Сего́ ра́ди дар проро́чества изли́л на ты Госпо́дь и я́ко свети́льник рассу́ждения поста́ви ты на све́щнице церко́внем, да све́тиши в грехо́вней но́щи и заблуждшия ко стезя́м благоче́стия наста́виши, е́же сла́вити им Бо́га и вопíти Ему́: Аллилу́иа.

Икос 7

Бу́рю грехо́вную, иму́щую вско́ре сокруши́ти зéмлю ру́сскую, тво́йма духо́вными очíма прозрél еси́. Те́мже, я́ко но́вый проро́к, к пока́янию увещáл еси́ присту́пíti лю́ди заблуждшия, véрныя же укрепля́л еси́ претерпéти досто́йно ско́рби гряду́щая. Сего́ ра́ди я́ко утéшителя богодухновéннаго поéм ты си́це:

Ра́дуйся, ма́стию Ду́ха Свята́го пома́занный проро́че;

ра́дуйся, испо́лненный Божéственных откровéний небéсный челове́че.

Ра́дуйся, духо́вным взόром сердца́ человéческая испытúяй;
ра́дуйся, пока́нием чистосердéчным грéшники врачу́яй.
Ра́дуйся, рассу́ждения духо́внаго светлéйшее обитáлище;
ра́дуйся, Божéственных Таин достóйное приятелище.
Ра́дуйся, Óптинскаго стáрчества чистéйшее зерцáло;
ра́дуйся, наро́да рúсскаго крепчáйшее забрáло.

Ра́дуйся, Варсонóфие, Óптинскаго стáрчества боголéпное
украшéние.

Кондак 8

Я́ко незлóбиваго áгнца во объ́тия своя́ приим прише́дшаго к тебé
Никона, преду́ставленнаго исповéдника Óптинскаго, предрéкл еси́ ему́,
ко́лико има́ть постра́дати о Христé. Та́ко сотайнника в нем обрéл еси́ и
ученика́ благопослу́шнаго, и́же и ны́не не отлучи́вся от тебé, но в
го́рнем присно лику́я, песнь согласную́ поёт с тобо́ю: Аллилу́иа.

Икос 8

Па́стырскую му́дрость восприим, богому́дре óтче, óвцы Христóвы
на злáчных пáжитех благодáти упáсл еси́, и словéсным учéнием твоимъ,
я́ко медотóчным питиём, соль спаси́тельнаго пути́ препóдал еси́ на
сла́дость им. Сего́ ра́ди áгнцы словéсныя новомúченическому ста́ду
возрасти́л еси́, с ни́миже похва́лами тя венча́ем си́ми:

Ра́дуйся, па́стырю незлóбивых áгнцев;
ра́дуйся, губи́телю невидимых волко́в.
Ра́дуйся, крест носи́вый, я́ко похва́лу Христóву;
ра́дуйся, плоть распя́вый со страстьми́ и похотьми́.
Ра́дуйся, новомúчеников Óптинских богодухновéнное удобре́ние;
ра́дуйся, исповéдником óбразе в богозаповéданном терпéнии.
Ра́дуйся, свята́го Никона венче́ златоковáнный;
ра́дуйся, собóра Óптинскаго ка́меню богоизбра́нный.

Ра́дуйся, Варсонóфие, Óптинскаго стáрчества боголéпное
украшéние.

Кондак 9

Ра́дость áнгельская на небеси́ яви́ся о жити́и твоёмъ святёмъ, óтче
преподóбне, де́моном же скорбь вели́ка бысть, егда́ умно́жил еси́
па́стырския тво́я по́двиги. Те́мже мно́гия ду́ши от власти́ де́монския
тобо́ю свободи́вшеся, в лице́ спаса́емых воспéша Бо́гу: Аллилу́иа.

Икос 9

Мудрецы́ века сего́ яко буесловящая обличил еси́, помышляющия о Творце́ своём яко не сущем, чудодѣйствы же твоими торжество́ веры показал еси́, егда́ развѣрзл еси́ слух глухонемому. Тѣмже сердечная наша ушеса́ отвѣрзи ко слышанию слова́ Божия и приими́ похвальныя сия́ словеса́, от любве́ тебе́ приносимыя:

Радуйся, ангельския крѣпости исполненный подвижнице;

радуйся, демоном нанесый язву всегубительную.

Радуйся, верным подавая светозарное просвещѣние;

радуйся, разоряя тьму нечестиваго неверия.

Радуйся, Божественных чудес изрядный дародателю;

радуйся, Богодостойное приятелище благодати.

Радуйся, егоже рака́ яко источник точит исцелѣния;

радуйся, имже до ныне творятся преславная знаменья.

Радуйся, Варсоно́fie, Оптинскаго старчества́ боголе́пное украшѣние.

Кондак 10

Видя богомерзкое нечестие́ мира сего́ и хотя́ прѣлести у́гля угасити, отвѣрзл еси́ медоточивая уста́ твоя́ и сладкоглаго́ливых поучѣний ре́ки источил еси́. Сего́ ради грѣшницы отврати́шася от греха́, вернии же к высотѣ́ боголюбиваго устреми́шася благочестья, песнь сладчайшую́ Бо́гу поюще́: Аллилу́иа.

Икос 10

Добре упасл еси́ ста́до монашествующих на пажитех животворных, и миру́ явился еси́ яко свет вторый. Сего́ ради па́стырскаго посещѣния твоего́ про́сим, еже избавити от лютаго миродѣржца ста́до твоѣ́ и от прѣлестных его́ се́тей. Да в крове́ крил твоих моли́твенных храни́ми, си́це тебе́ вопиѣ́м:

Радуйся, яко со́нми монашествующих напитал еси́ духо́вною пи́щею;

радуйся, яко мирскія напоил еси́ ева́нгельским млеком.

Радуйся, благозвучная цевнице́, добродѣтель целомудрия́ воспева́я;

радуйся, Предте́чева секи́ро, ко́рения страсте́й посеца́я.

Радуйся, стрело́ огневидная, порази́вшая воздушных князе́й;

радуйся, мечу́ поострѣнный, сокруши́вый главы́ невидимых змиѣв.

Радуйся, источниче́, к нему́же притека́ют жа́ждущия утешѣния;

радуйся, о́гне, имже попада́ются хвра́стия сласте́й.

Радуйся, Варсоно́fie, Оптинскаго старчества́ боголе́пное украшѣние.

Кондак 11

Скорбьми́ безмѣрными обложенъ былъ еси́, яко терновымъ венцемъ, поношенія претерпѣлъ еси́ и оклеветанія, да́же до смѣрти крест послушанія несый, в Гóрний Иерусали́м восходъ свой устраоя. Тѣмже страданія тво́я воспева́юще, Бо́гу, укрѣплышему тя, благодарно поѣм: Аллилу́иа.

Икос 11

От пúстыни твое́я отгнанный завистию диáвола, в Стáро-Голúтвенной обителѣ яко премúдр вертоградарь водворился еси́, в нѣйже крѣны прекрасныя насадивъ благочестія, в райскія обителѣ дúхом отшелъ еси́. Мóщи же тво́я святы́я Óптина пúстынь, яко многоцѣнное сокровище, в нѣдро своѣ прият, ѣмиже красúется ны́не и во умилѣнии велегласно тебѣ вопиѣт:

Рáдуйся, Óптину пúстынь яко благоцветúщий вертоградъ возделавый;

рáдуйся, возрождѣние в Голúтвину обитель яко мáсличную ветвь принесый.

Рáдуйся, блаженство гонимыхъ правды ради стяжавый;

рáдуйся, кротостию Иисúсовою и любóвию врагѣ победивый.

Рáдуйся, голубе предобры́й, паря́й под сѣнию крестá;

рáдуйся, яко в кровѣ крил твоихъ мѣрствуютъ чада тво́я.

Рáдуйся, иде́же есть тѣло твоѣ святóе, ту привита́ютъ духовнии орли́;

рáдуйся, иде́же ублажа́ема пáмять тво́я, ту пребывáеши дúхом тво́им.

Рáдуйся, Варсонóфие, Óптинскаго стáрчества боголѣпное украшеніе.

Кондак 12

Яко́ трубá добропобѣдная, проповѣдуетъ пóдвиги тво́я Пúстынь Óптинская, стáрцы прослáвленная. В нѣйже áнгельски поживъ и на небеса́ взятъ быв, Áнгелы и собóру Óптинскихъ отцѣвъ вчинился еси́, с ними по́я Творцú всеслѣчную песнь: Аллилу́иа.

Икос 12

Щитъ неборимъ есть предстáтельство твоѣ за ны, óтче преподóбне, и молѣтвенное ходáтайство твоѣ мечъ есть духовный, бесóв поража́яй. Сего́ ради испроси́ намъ благодáть у Всемѣлостиваго Царя́ Христа́ Бо́га, е́же возмóщи намъ протѣвѣтися всемъ кóзнемъ врагá и одѣяннымъ во ору́жия свѣта стáти, возвещáюще тебѣ побѣдная сѣя:

Ра́дуйся, побéдо в духо́вной на́шей бра́ни;
ра́дуйся, вéнче присноцвету́щий до́бре подви́зающимся.
Ра́дуйся, я́ко на мы́сленнаго Амалі́ка ра́туеши с небесі́;
ра́дуйся, я́ко ва́рварская шата́ния упраждня́еши на землі́.
Ра́дуйся, неві́димое вспомо́жение і́ноческому ополче́нию;
ра́дуйся, бесо́в многоплаче́вное пора́жение.
Ра́дуйся, я́ко тобо́ю О́птинское ста́рчество благоукра́сится;
ра́дуйся, я́ко тобо́ю жити́е на́ше помраче́нное просвети́ся.
Ра́дуйся, Варсоно́фие, О́птинскаго ста́рчества боголе́пное
украше́ние.

Кондак 13

О, непобеди́ме стратилáте Небéснаго Царя́ Христа́, богому́дре ста́рче Варсоно́фие! Тебе́ ака́фистное пéние сіе́ принося́ще, усéрдно про́сим тя: я́ви нам благомо́щное твоё́ заступле́ние и всем, любóвию тя почита́ющим, испроси́ у Го́спода оставле́ния грехо́в и а́нгельския кре́пости в по́двизех, да возмо́жем непреткнове́нно пéти Го́споду сил: Аллилу́иа.

Молитва

О, пречестна́я и свяще́нная главо́, Небéснаго Иерусали́ма граждани́не, изрядный уго́днице Христо́в и вели́кий О́птинский чудотво́рче, преподо́бне о́тче Варсоно́фие! При́зри от Го́рних высóт на нас, смире́нных и грéшных, во умилéнии серде́ц к тебе́ прибега́ющих, тебе́ бо моли́твенника благоприя́тнаго véмы ко Всеми́лостивому Бо́гу. Вознеси́ о нас тво́я святы́я моли́твы ко Престо́лу Человеколю́бца Го́спода, дабы́ не поги́бнути нам со беззакóнии на́шими, но обрати́тся к пока́нию и исправле́нию, да прóчее вре́мя жити́я на́шего земна́го не в рабо́те греху́ и страсте́м, но в де́лании за́поведей Его́ святы́х и в благоче́стии провожда́ем, и со благо́ю наде́ждою дости́гнем кончи́ны на́шея. В час же сме́ртный наипáче я́вися нам, о́тче, заступник благі́й, ускори́ на моли́тву о нас, беспóмощных, и помози́ нам ми́рную и благо́ую кончи́ну уллучи́ти, Божéственных Та́инств причáстну, грóзная мыта́рства возду́шная безбе́дно прейти́ и унасле́довати Го́рнее Цáрство.

Ей, о́тче приснопа́мятный, не прéзри нас и не посра́ми упова́ния на́шего, но бу́ди о нас предста́тель немóлчный к Бо́гу. Па́стырю наш до́брый, упаси́ нас бо́дренными тво́ими моли́твами и сохрани́ ненавётны от вся́каго зла, да сла́вим неизрече́нное человеколю́бие Бо́га на́шего, Отца́ и Сы́на и Свята́го Ду́ха, и твоё́ оте́ческое заступле́ние, во ве́ки веко́в. Ами́нь.

Молитва ина.

О, свящённе воине и богомудрый отче наш Варсонофие, Оптинскаго старчества венценосный поборниче! Ты славу мира сего не возлюбив, ниже почета и житие разслабленно, но воинскую честь соблюди до конца и земное тризнице оставив, воинился еси Царю Христу и со безплотными Ангелы на демоны ратовал, и победы почета прияти еси. Темже под твоё предстательство, яко под крепкий щит, прибегаем, и на лук молитв твоих надеющеся, молим тя, отче преподобне: утешни ны яко отец чадолюбивый, и яко сын нас утверди, облегчая скорбьлежащую, избавляя от нужд души наша. Дажь нам твоему житию последовати и неуклонно соблюсти предания святых отец, ихже ты заповедал еси блюсти даже до смерти. Ей, отче, буди нам поборник в мысленных бранех наших, ихже ведем со страстьми и духи лукавыми, яко немощни есмы и неискусни. Ты же, яко искус послушания прошед и благодать старчества унаследовав, можеш и нам искушаемым помощи. Да под кровом молитв твоих храними, воспоём и прославим Подвигоположника нашего Господа Иисуса Христа со Отцем и Животворящим Его Духом всегда, ныне и присно, и во веки веков. Аминь.